

DOBRO DOŠLI, DOBRI LJUDI

Samom sebi sam rekao ja ću stipendiju vratiti i stvarno sam to učinio, a onda sam nastavio i dalje pomagati, priča Almir Razić

Dugo je trebalo dok smo nekako uspjeli nagovoriti Mirsada Mešića, državnog poslanika, da uopće pristane govoriti za novine. No, povukao se pred argumentom da ga je spomenuo pred okupljenim donatorima, prijateljima i saradnicima Udruženja Obrazovanje građi BiH izvršni direktor ove asocijacije Jovo Divjak.

“To ne radim zbog javnosti”, objašnjavao nam je Mešić, koji se obavezao da će cjelokupan iznos svoje penzije, s obzirom na to da ima i primanja kao poslanik, izdvojiti za stipendiranje mladih.

Netipični oficir

Mešić ne pomaže prvi put. Jedan mladi čovjek je, uz njegovu pomoć, završio studij, četvero sadašnjih studenata takode finansira, kao što je i dvije srednjoškole. Zahvaljujući ljudima poput Mešića, a samo dio njih je mogao ostaviti radne obaveze i doći juče u Dobojsku 4, Udruže-

nje je i u godini na izmaku stipendiranja 371 srednjoškola i studenata, a njihov specijalni program obrazovanja Roma obuhvatio je 131 člana Udruženja.

Budžet Udruženja je u 2015. bio teži od milion maraka, a u njega su stali razni edukativni, sportski i rekreativni sadržaji, radionice, ljetovanja, učesće u obnovi sportskih dvorana u opštinama Srednje i Olovo... O tome bi nam govorio do u detalj, da je bilo vremena, volonter Meho Agić čiji je gotovo cijeli život posvećen društvenom aktivizmu. Otkako je upoznao Divjaka (“tog netipičnog oficira”), prvio se uz njega i oni su već decenijama zaštitni znaci Udruženja. Namjeravaju tako nastaviti, jer naglasio je juče i Redžad Čatić, predsjednik UO Udruženja, prvenstvena briga će biti i dalje okrenuta djeci - žrtvama rata, invalidnoj, romskoj manjini, talentovanoj, s poteškoćama u razvoju i socijalno ugroženoj, a koliko je ta pomoć va-

žna govorila je i Edina Mahmutović, psihologinja iz Centra za socijalni rad.

“Obrazovanje je jedna od rječkih organizacija koja svoje korisnike priregli i ne pušta ih sve dok oni toliko ne ojačaju da mogu biti samostalni”, ističe Mahmutović.

A, kada to postanu, mnogi od njih se, kao naš kolega iz Fene Almir Razić, vraćaju Udruženju, želeći da pomognu nekim drugima mladim ljudima.

Jasnin encijan

“Na četvrti godini studija bila mi je potrebna stipendija i dobio sam je ovdje. Sebi sam rekao kada se zaposlim, stipendiju ću vratiti i stvarno se to i desilo, a onda sam odlučio da nastavim dati stipendiju”, kaže Almir, a profesorje Udruženja su sve punije.

Čuju se razni jezici, jer među donatorima ima i stranih organizacija, neka dječica drže u rukama cvijeće. Svi oni dio su velike



I donatori i članovi Udruženja jedna su velika porodica

Foto: A. KAMENICA

porodice, koju čini i braćni par Šarić. Akademik Taib i prof. Taiba ne kriju da su ušli u Udruženje zahvaljujući poznavstvu s Divjakom. “Njegova neiscrpna energija nas i dalje dovodi ovanamo”, ističe prof. Taiba.

Ne kažu, ali to mi znamo, njihova jedinica Jasna je bila asistentica na PMF-u, a njenu zvjezdanu naučnu i književnu karijeru prekinula je granata u ratnom Sarajevu. Jedna endemska vrsta biljke koju

je otkrio rahmetli prof. Sulejman Redžić na visinama Prenja nazvana je jasnimim imenom, a silka tog plavog cvijeta dospjela je na pošansku markicu, koja je prije nekoliko godina u Kini proglašena najljepšom na svijetu. Da, Obrazovanje gradi BiH i oko njega se okupljaju samo najbolji ili oni koji će to jednom postati, a kojima je Divjak i juče uputio jedinstven pozdrav: Dobro došli, dobri ljudi.

E. KAMENICA